

政和五禮新儀



欽定四庫全書

政和五禮新儀卷八十四

吉禮

祭皇地祇儀

有司行事

時日

齋戒

奏告

陳設

省牲器

奠玉幣

進熟

望瘞

時日

太常寺預于隔季以夏至日祭皇地祇于方壇闕大史局太史局以其日報太常寺太常寺參酌訖具時日散

告

齋戒

前祭十日受誓戒于尚書省其日五鼓贊者設位版于

公相廳下初獻官在左刑部尚書在右並南向亞終獻

禮官位于其南稍東北向西上分獻官位其後監察御

史位于其西稍北東向戶部尚書大司樂光祿卿大樂

令光祿丞位于其南稍西北向東上

凡設大樂令以下位皆稍却若冬祀

大禮年上公攝事增讀冊舉冊官位在光祿卿下其揖位省牲省饌位並准此

奉禮協律郎太

祝郊社太官令位于其東西向北上質明贊者引行事

執事官就位立定禮直官引初獻降階就位禮直官贊

揖在位者對揖初獻搢笏讀誓文云某月某日夏至祭

皇地祇各揚其職不共其事國有常刑讀訖執笏禮直

官贊奉禮協律郎太祝郊社太官令先退餘官對拜乃

退散齋七日治事如故宿于正寢不弔喪問疾作樂判

書刑殺文書決罰罪人及與穢惡致齋三日
光祿卿丞
太官令齋

一二日子本司
無本司者于太常
齋舍質明至齋所唯祭事得行其餘悉

禁前祭一日質明俱至祠所齋宮官給酒饌祭官已齋而

闕者通攝行事

若冬祀大禮年上公攝事未受誓戒前贊者引亞獻以下立于階下亞獻禮部

尚書終獻太常卿讀冊舉冊官大樂令分獻官協律郎太官令西向北上戶部尚書刑部尚書光祿卿監察御史禮直官光祿丞奉禮郎太祝郊社令東向北上立定禮直官引初獻入就南向位贊揖訖歸次以俟受誓

奏告

前祭二日奏告太祖皇帝室如常告之儀

陳設

前祭三日儀鸞司設行事執事官次於壇東壝門之外及齋宮之內隨地之宜設饌幔于內壝東門外道北南

向前二日光祿牽牲詣祠所前一日郊社令帥其屬掃

除壇之上下太常設正配神位席太史設正配神位版

於壇上凡設神位版皆太常設祭器凡設祭器皆藉以席籩豆又加巾蓋

以俟告潔既畢光祿陳牲于卯階之東南內壝之外西

向祝史各位於牲後太常設省牲位於牲西三獻官禮

官在南北向分獻官在其後戶部尚書大司樂光祿卿

大樂令光祿丞奉禮協律郎太祝郊社太官令在北南

向俱西上凡設大樂令光祿丞以下位皆稍却監察御史於戶部尚書之

西少絕光祿陳禮饌於壇之東南內壝之外南向太常
設省饌位版於禮饌之南三獻官禮官在南北向西上
分獻官在其後監察御史在西東向戶部尚書大司樂
光祿卿大樂令光祿丞奉禮協律郎太祝郊社太官令
在東西向北上大晟設登歌之樂於壇上稍南北向西
上設宮架於壇南內壝之外立舞表于鄮綬之間祭日
丑時五刻禮直官贊者諸司職掌各服其服太常設神
位席太史設神位版於壇之上下皇地祇位於壇上北

方南向席以橐秸太祖皇帝位於壇上東方西向席以蒲木神句芒東嶽於壇第一龕東鎮海瀆於第二龕東山林川澤於壇下東丘陵墳衍原隰於內壝之內皆在卯階之北以南為上神州地祇火神祝融南嶽於壇第一龕南鎮海瀆於第二龕南山林川澤於壇下南丘陵墳衍原隰於內壝之內皆在午階之東以西為上土神后土中嶽於壇第一龕中鎮於第二龕中山林川澤於壇下中丘陵墳衍原隰於內壝之內皆在午階之西以

西為上金神尊收西嶽于壇第一龕西鎮海瀆于第二龕崑崙西山林川澤于壇下西丘陵墳衍原隰于大壇之內皆在酉階之南以北為上水神玄冥北嶽于壇第

一龕北鎮海瀆于第二龕北山林川澤于壇下北丘陵

墳衍原隰于內壇之內皆在子階之西以東為上神州

地祇席以橐秸餘以莞席皆內向太常陳玉於神位之

左

玉以黃琮盛以匣瘞玉用珉

禮神之玉奠于神前瘞玉加于幣

配位

不用玉

陳幣篚各于神位之左

幣以黃

祝版各于神位之右

置于北 若冬祀大禮年上公攝事則用行冊置于案

太常設祭器光祿實之

正配位各左十有二籩為三行以右為上

第一行形鹽在前魚鱸糗

餌粉糝次之第二行榛實在前乾桃乾榛乾棗次之第三行菱在前茨栗鹿脯次之

右十有二豆

為三行以左為上

第一行芹菹在前筍菹葵菹菁菹次之第二行韭菹在前鮑食魚醢兔醢次之第三

行豚拍在前鹿醢醢糝食次之

俎三二在籩前

實以牛腥七體兩髀兩肩兩脅次之脊在中

二在

豆右為二重以北為上

第一重實以牛腥腸胃肺離肺一在上端刊肺三次之腸三胃三又

次之第二行寔以牛熟腸胃肺其載如腥若配位即以東為上

登一在籩豆間

寔以大羹 盤

一在登前

實以毛血

簋二簋二在籩豆外簋在左簋在右

實

以稻梁稷在稻前蓋設泰尊五山尊五為二重在壇上

東南隅北向西上

配位即設于正位酒尊之東

泰尊在前皆有坩加

勺冪為酌尊

泰尊一實明水為上尊餘皆實以供內法酒初獻酌之山尊一實明水為

上尊餘實以醴齊代以祠祭法酒亞獻酌之

又設泰尊二山尊二在神前

泰尊

一實泛齊山尊一實醴齊各以一尊實明水

著尊二犧尊二在午階之西第

一龕

著尊一實盞齊犧尊一實醴齊各以一尊實明水若配位即設於西階之北第一龕

象尊二

壺尊六在壇下午階之西

象尊一實明水一實沈齊壺尊三實玄酒三實三酒明水

玄酒皆在上若配位即設于壇下西階之北

俱北向西上

若配位即東向北上

皆加冪

五齊三酒設而不酌第一龕神州地祇五行五官五嶽

中鎮等每神位前左四籩為二行以右為上

第一行乾棗在前形

鹽次之第二行栗在前鹿脯次之

右四豆為二行以右為上

第一行芹苴在前菁

苴次之第二行兔醢在前鹿鷄次之

俎一在籩豆外

實以羊豕腥肉

簠一簋一在

俎前簠在左簋在右

簠實以稷簋實以黍

登一在籩豆外

實以大羹盤

一在登後

實以毛血惟神州地祇五官位用之

爵一在俎前加坩

實以祠祭法酒

第二龕及壇下內壝之內各左二籩

桌在前鹿脯次之

右二豆

菁苴在前鹿鷄次之

俎一在籩豆外

實以羊豕腥肉

爵一次之

實以祠祭法酒簠

一盞一在爵之前盞在左盞在右

盞實以稷
盞實以黍

神州地祇

五行五官五嶽每方各設犧尊二象尊二五方鎮及海

瀆每方各設山尊二山林川澤每方各設蜃尊二丘陵

墳衍原隰每方各設散尊二皆加勺罍

皆一實明水一
實祠祭法酒

太常設燭于神位前又設俎二于饌幔內洗二于卯階

之東北向

盥洗在東
爵洗在西

罍在洗東加勺篚在洗西南肆實

以巾

若爵洗之篚則
又實以爵加坩

禮官分獻官盥洗各于陞道之左

俱內向執罍篚者位于其後又設揖位于卯階之東內

壇之外如省牲之位惟不設光祿卿丞位開瘞坎于壇下子階之

北壬地方深取足容物南出陛設望瘞位於卯階之東

南內壇之內如省饌之位惟不設光祿卿丞太官令位又設三獻官

禮官席位于卯階之東北西南上分獻官位其後戶

部尚書席位于卯階之東南西南向設監察御史席位于

午階之南北向若冬祀大禮年上公攝事增讀冊官位在監察御史之西奉禮郎太

祝郊社太官令位于其後大司樂大樂令席位于監察

御史之東協律郎位于其後光祿卿席位于大司樂之

東俱北向西上又設監察御史位于壇上樂簾之北在

西東向奉禮郎太祝郊社令在東西向北上

若冬祀大禮年上公

攝事增讀冊舉冊官位在奉禮郎之上

大樂令于樂簾之北大官令于酌

尊所俱北向協律郎二一位於壇上樂簾之西一位于

宮架之西北俱東向大司樂位于宮架之北北向

省牲器

前祀一日行事執事官集初獻齋所肆儀太祝習讀祝

文視玉幣及神位版訖並赴壇所各就次禮直官贊者

分引行事執事官詣壇東省牲位凡初獻行事禮直官引餘官皆贊者引

立定禮直官贊揖次引大司樂入行樂架次引監察御

史升自卯階凡行事執事官升降皆自卯階視滌濯執事者舉罽曰潔

降復位禮直官稍前曰告潔畢請省牲太祝出班巡牲

一匝詣初獻前西向躬曰充退復位光祿丞出班巡牲

一匝詣初獻前西向躬曰循退復位禮直官贊省牲

畢請就省饌位揖訖引行事執事官各就位立定禮直

官贊揖所司省饌具畢禮直官贊省饌訖俱還齋所光

祿丞太祝以次牽牲詣厨授太官令次引監察御史詣厨省鼎鑊視祭器滌漑協律郎展視樂器乃還齋所未後一刻太官令帥宰人以鸞刀割牲祝史以盤取毛血各置于饌所遂烹牲脯後郊社令帥其屬掃除壇之上下訖還齋所

奠玉幣

祭日丑時五刻行事用丑時七刻初獻以下並赴壇所就次郊

社令先入視設神位版訖退樂正帥工人二舞入就位

登歌工人候監察御史點閱訖升階各就位次太官令帥其屬寔饌具畢次

引光祿卿入詣午階之南席位北向立贊者曰再拜光

祿卿再拜升壇點視禮饌畢次因監察御史升壇點閱

陳設糾察不如儀者凡點視及點閱皆先詣正位光祿卿還齋所餘

官各服祭服次引行事執事官皆詣卯階東內墻外揖

位立定禮直官贊揖次引大司樂大樂令協律郎先入

就午階南席位北向立贊者曰再拜大司樂以下皆再

拜各就位次引監察御史奉禮郎太祝郊社令太官令

入就午階南席位北向立若冬祀大禮年上公攝事則又引讀冊舉冊官次引

初獻戶部尚書亞終獻禮直分獻官各入就卯階東席

位西向立禮直官稍前贊有司謹具請行事協律郎跪

俛伏舉麾興工鼓祝宮架作寧安之樂諸靈錫慶之舞

八成偃麾戛敬樂止
凡樂皆協律郎跪俛伏舉麾興工鼓祝而後作偃麾戛敬而後止

光祿瘞血訖贊者曰再拜在位者皆再拜次引監察御

史奉禮郎太祝郊社太官令升壇各就位立定
太官令就正位

酌尊次引初獻詣盥洗位宮架正安之樂作
凡初獻升

作正安至洗位北向立搯笏盥手悅手執笏升壇樂止
降行止皆

登歌樂作至皇地祇神位前北向立樂止登歌嘉安之

樂作搢笏跪次引奉禮郎搢笏西向跪執事者以玉幣

授奉禮郎奉禮郎奉玉幣授初獻訖執笏興先詣太

祖皇帝神位前北向立初獻受玉幣奠訖執笏俛伏興

再拜樂止次引初獻至太祖皇帝神位前東向立酌獻

位準奠玉幣如上儀惟登歌作樂止奉禮郎復位初獻恭安之樂

將降壇登歌樂作降階樂止宮架樂作復位樂止

進熟

祭日有司設鼎二于神厨各在鑊右光祿帥進饌者詣

厨以七升牛于鑊實於一鼎

肩臂臑肫胙正脊一直脊一橫脊一長脊一短脊一

代脅一皆二骨以並正配位各設一鼎

皆設局罍祝史對舉入設于饌幔

內俟初獻既升奠玉幣入陳于卯階下西向南上祝史

抽局委于鼎右除罍初鼎序入有司執匕及俎以從至

卯階下各設于鼎西匕加于鼎光祿以七升牛載于一

俎

肩臂臑肫胙在下端脊脅在中正配位各設俎

鼎先退次引戶部尚書詣卯

階下搢笏奉俎升壇宮架豐安之樂作詣皇地祇神位

前北向跪奠執笏俛伏興有司設于豆前次詣太祖皇帝神位前奉俎如上儀樂止俱降復位初奠俎訖引太祝取菹孺于醢祭于豆間三又取黍稷肺祭如初俱藉以茅退復位次引初獻再詣盥洗位宮架樂作至洗位北向立搯笏盥手悅手執笏詣爵洗位北向立搯笏洗爵拭爵以授執事者執笏升壇樂止登歌樂作詣正位酌尊所西向立樂止登歌嘉安之樂作執事者以爵授初獻初獻搯笏執爵執尊者舉罍太官令酌太尊之泛

齊訖先詣配位酌尊所北向立初獻以爵授執事者執
笏詣皇地祇神位前北向立搢笏跪執事者以爵授初
獻初獻執爵祭酒三祭于茅苴奠爵執笏俛伏興少立
樂止次引太祝于神位前東向立搢笏跪讀祝文讀訖

執笏興先詣太祖皇帝神位前南向立

若冬祀大禮年
上公攝事則次

引讀冊官詣神位之右舉冊官搢笏跪讀冊官東向搢
笏跪讀冊文讀訖各執笏興先詣配帝神位前南向立
初獻再拜次詣太祖皇帝神位前酌獻並如上儀

惟登
歌作

英安太官令復詣正位酌尊所太祝復位初獻將降壇
之樂

登歌樂作降階樂止宮架樂作復位樂止文舞退武舞
進宮架威安之樂作舞者立定樂止次引亞獻詣盥洗
位北向立搯笏盥手悅手執笏詣爵洗位北向立搯笏
洗爵拭爵以授執事執笏升壇詣正位酌尊所西向立
宮架作乂安之樂嚴恭將事之舞執事者以爵授亞獻
亞獻搯笏執爵執尊者舉冪太官令酌山尊之醴齊訖
先詣配位酌尊所北向立亞獻以爵授執事執笏詣皇地
祗神位前北向立搯笏跪執事者以爵授亞獻亞獻執

爵祭酒三祭于茅苴奠爵執笏俛伏興再拜次詣太祖
皇帝神位前行禮並如上儀訖樂止降復位次引終獻詣

洗及升壇行禮並如亞獻之儀降復位初亞獻將獻升

分引禮官及分獻官各詣盥洗位搯笏盥手帨手執笏

詣諸從祀神位前搯笏跪奠幣執爵三祭酒奠爵神位無幣

者但祭酒執笏俛伏興再拜復位次引太祝詣正配神位前

徹籩豆籩豆各一少移故處登歌和安之樂作卒徹樂止次引郊

社令束茅訖俱復位禮直官曰賜胙贊者承傳曰賜胙

再拜送神宮架寧安之樂作一成止

望瘞

初寧安之樂畢引三獻官戶部尚書禮官分獻官詣望

瘞位宮架樂作至位樂止有司各詣神位前取玉幣祝

版饌物及牲之左髀束茅寘於瘞坎

若冬祀大禮年上公攝事則又取祝

冊置於瘞坎

次引監察御史大司樂大樂令奉禮協律郎太

祝郊社令詣望瘞位

若冬祀大禮年上公攝事則又引讀冊舉冊官

立定禮直

官曰瘞寘土半坎

凡瘞皆先省視訖乃瘞

次引初獻以下詣東墼

門外揖位立禮直官贊禮畢揖訖退太官令帥其屬徹
禮饌次引監察御史詣壇監視收徹訖還齋所光祿以
昨奉進監察御史就位展視訖光祿卿望闕再拜乃退

政和五禮新儀卷八十四

欽定四庫全書

政和五禮新儀卷八十五

吉禮

皇帝祭神州地祇儀上

時日

齋戒

奏告

陳設

車駕自大慶殿詣青城

省牲器

奠玉幣

進熟

望燎

車駕還內

時日

前期降御札以今年立冬後祭神州地祇太常寺帖太

史局擇日太史局得日報太常寺參酌訖中奏具時日
散告

齋戒

前祭十日質明有司設行事及陪祠文武官位于朝堂

太宰刑部尚書在北南向太宰在左刑部尚書在右

刑部

尚書行事太宰左丞在南吏部戶部禮部尚書吏部禮

部侍郎大司樂光祿卿大樂令光祿丞在其南

凡設大樂令以

下位皆稍却如朝獻朝享執事官又於其南俱北向西
即初亞獻官在光祿丞下

上監察御史位二在酉東向北上讀冊舉冊官奉禮協

律郎太祝郊社太官令在東西向俱北上

奉禮郎以下位皆稍却

設陪祠文武百官位於行事官之南又設行事及陪祠

親王宗室位於太廟齋坊少宰刑部侍郎在北南向少

宰在左刑部侍郎在右

刑部侍郎稍却

亞終獻在南北向西上

親王及行事執事陪祠宗室位在東稍北西向北上東

上閣門御史臺太常寺以下分引羣官各就位

凡將引行事執

事陪祠文武官立班即御史臺引殿中侍御史一員先入就位

太宰讀誓於明堂刑部

尚書涖之少宰讀誓於太廟齋坊刑部侍郎涖之誓文

曰今年某月某日皇帝祭神州地祇

如朝獻朝享即云前二日朝獻景靈

宮前一日朝享太廟各揚其職其或不恭國有常刑讀訖

內朝堂執事官

奉禮郎以下文官宣德郎以下武官從義郎以下先退

餘官並對拜訖退皇帝散

齋七日于別殿致齋三日

三日于大慶殿一日于初所齋殿若朝獻朝享即一日于

大慶殿一日于太廟一日于齋殿

凡散齋不弔喪問疾作樂有司不奏

刑殺文書致齋之日前後殿不視事惟行祭事前致齋

一日殿中監帥其屬尚舍鋪御座于大慶殿當中南向

設東西房於御座之左右稍北又設西閣及齋室于殿後之左右殿上前楹施簾致齋之日質明有司陳大駕鹵簿于宣德門外尚輦陳平輦於垂拱殿庭文武百官俱就次各服其服東上閣門奏請皇帝未後詣齋室通事舍人等自下分引知樞密院事以下詣垂拱殿庭立班東上閣門附內侍進班齊牌垂拱殿簾降皇帝乘輦出至殿上少駐輦官迎駕自贊常起居次舍人上殿簾捲鳴鞭行門禁衛諸班親從迎駕自贊常起居次舍人

先贊知內侍省官以下常起居次樞密以下通班常起居贊祗候引駕樞密知客省以下至簽書東上閣門官

分左右立六尚局應奉官祗應武功大夫以下並先退

次管軍臣僚宣名常起居贊祗候引駕並分左右前導

輦降東階垂拱殿門外禁衛諸班親從自贊常起居次

行宮使御營巡檢一班常起居

如通侍大夫以下知客省事以下武功大夫以

下知內侍省帶御器械官充

行宮使御營巡檢各歸本班至大慶殿後閣降輦入西

閣大慶殿簾降前導官並就次易朝服詣御榻前分左

右侍立

知樞密院事簽書樞密院事在東西向左輔一員在知樞密院事之北贊拜東上閣門官一員

又在其北並西向知客省事以下在簽書樞密院事之南稍東西向北上簽書客省事以下又在其南稍却

通事舍人等分引行事執事陪祠文武官各績結佩入

詣大慶殿庭立班次引禮部侍郎奏請中嚴侍臣詣幄

奉迎內外符寶郎奉寶先出陳於御榻之左右少頃引

禮部侍郎奏外辦皇帝服通天冠絳紗袍績結佩出西

閣乘輿稱警蹕侍衛如常儀由西房至御榻西降輿皇

帝即御座南向侍臣夾侍贊拜東上閣門官於御榻前

贊拜樞密以下拜殿之上下應在位官皆再拜

東上閣門官贊

拜訖轉身北向隨拜
訖面西贊各祇候

次禮直官引左輔詣御座前俛伏

跪奏稱左輔具官臣某言請皇帝降座詣齋室奏訖俛

伏興還侍立

凡左輔奏請准此

皇帝降座乘輿由東房入齋室

侍臣各還所司直衛者如常儀通事舍人分引行事執

事陪祠文武官以次出

三省親王樞密宗室起居問聖體並如儀

應行事執

事陪祠官及從升者並散齋七日宿于正寢致齋三日

各宿于其次

三省樞密院官各宿於其本廳及都堂待從官并尚書侍郎分宿于秘書省中書省

後餘官內室有所司者各宿於其司
諸方客使許赴陪位者各宿於其次
凡散齋治事如故
惟不弔喪問疾作樂判書刑殺文書決罰罪人及與穢
惡致齋之日官給酒饌唯祭事得行其餘悉禁與祭之
官已齋而闕者通攝行事

奏告

前祭二日奏告太宗皇帝室如常告之儀

陳設

前祭三日殿中監帥其屬尚舍設大次於外墻東門之

內道北南向小次于午階之東西向儀鸞司設文武侍
臣次於大次之前隨地之宜行事陪祠官宗室及有司
次于東墻東門之外設東方南方客使次于文官之後
西方北方客使次于武官之後又設饌幔于內墻東門
之外道北南向前祭二日郊社令帥其屬掃除壇之上
下開瘞坎于壇子階之北壬地方深取足容物南出陞
光祿牽牲詣祠所大晟陳登歌之樂于壇上稍南北向
設宮樂于壇南內墻之外立舞表于鄼綴之間前祭一日

太常設神位席太史設神位版神州地祇位于壇上北方南

向席以橐秸太宗皇帝位于壇上東方西向席以蒲越

奉禮郎禮直官設皇帝位版于壇下小次前西向飲福

位于壇下午階之西北向望瘞位于瘞坎之南北向設

燿火于望瘞位之西北向

東西各六人

贊者設亞終獻位于

小次之南稍東西向大禮使太宰左丞又於其南行事

吏部戶部禮部尚書吏部禮部侍郎光祿卿讀冊舉冊

官光祿丞位于大禮使之後

光祿丞稍却

奉禮郎搏黍太祝

郊社大官令位於小次之東北俱西向北上監察御史
位二一于壇下午階西南一于子階西北俱東向協律
郎位二一于壇上樂簾之西北一于宮架之西俱東向
大樂令位于登歌樂簾之北大司樂位于宮架之北良
醞令位於酌尊所俱北向又設陪祠文武官位於執事
官之南諸方客使在文官之南隨其方國光祿陳牲于
東壝門外西向祝史各位于牲後太常設省牲位于牲
西大禮使太宰左丞在南北向西上行事吏部戶部禮

部尚書吏部禮部侍郎大司樂光祿卿讀冊舉冊官大

樂令光祿丞奉禮協律郎搏黍太祝郊社太官令在北

南向西上凡設大樂令以下位皆稍却監察御史在吏部尚書之西

異位稍却光祿陳禮饌于東墻門外道南北向太常設

省饌位版于禮饌之南大禮使太宰左丞在南北向西

上監察御史位二俱在西東向行事吏部戶部禮部尚

書吏部禮部侍郎大司樂光祿卿讀冊舉冊官大樂令

光祿丞奉禮協律郎搏黍太祝郊社太官令在東西向

俱北上禮部帥其屬設冊祝案于神位之右司尊彝帥其屬設玉幣篚于酌尊所次設籩豆簋簋之位正配位

皆左十有一籩右十有一豆俱為三行俎三一在籩前

二在豆右為二重登一在籩豆間簋一簋一在籩豆之外

簋在左簋在右又設尊坫之位正配位皆太尊五山尊

五為二重在壇上東西隅北向西上配位設于正位酒尊之東太尊

在前皆有坫架勺罍為酌尊又太尊二山尊二在神位

前著尊二犧尊二在午階之西配位設于西階之北象尊二壺尊六

在壇下午階之西俱北向西上

配位即設于階之北東向

皆加幕

設而不酌又設正配位籩豆簋盞盤俎各一於饌幔內

設御洗二於壇下午階之南北向

盥洗在東爵洗在西

罍在洗東

加勺篚在洗西南肆實以巾

若爵洗之篚則又實以爵加坩

設皇帝洗

位于洗南北向內侍酌水位于洗東執巾位於酌水內

侍之北俱西向吏部侍郎位於爵洗之西東向又設亞

終獻盥洗於本位之南罍篚各設于左右皆西向執罍

篚者位其後祭日丑前五刻郊社令與太史官屬各服

其服升壇設神州地祇太宗皇帝位版於壇上太府卿

少府監帥其屬陳玉幣于籩

玉以兩圭有邸盛以匣禮配位不用玉幣皆以黑

神之玉各置于神位前瘞玉加于幣光祿卿帥其屬入

實正配位籩豆簋簋

籩三行以右為上第一行形盞在前魚鱸鰕餌次之第二行榛實在前

乾桃乾榛乾棗次之第三行菱在前芡栗鹿脯次之

豆三行以左為上第一行芹菹在前筍菹葵菹菁菹次

之第二行韭菹在前配食魚醢兔醢次之第三行豚拍

在前鹿鬯醢次之簋實以稻籩實以黍登實以大羹

盤實以太官令帥其屬入實俎 籩前之俎一實以牛腥

毛血 脊兩髀在兩端兩肩兩脅次之脊在中豆右之俎二為

二重以北為上第一重實以牛腥腸胃肺離肝一在上

端判肺三次之腸三胃三又次之第
二重實以牛熟腸胃肺其載如腥
良醞令帥其屬入

實尊
大尊實以泛齊山尊實以醴齊著尊實以盎齊犧尊實以醴齊象尊實以沉齊各以一尊實明水壺

尊三實玄酒三實三酒明水玄酒皆在上太常設燭于神位前又設大禮使

以下行事執事官攝位于外階之東內壝內如省牲位
所司陳異寶嘉瑞及伐國之寶於宮架之南東西相向

政和五禮新儀卷八十五

欽定四庫全書

政和五禮新儀卷八十六

吉禮

皇帝祭神州地祇儀中

車駕自大慶殿詣青城

前祭一日陪祠文武官先詣祠所其日導駕官以下就次各服其服尚輦奉御進輿于齋殿乘黃令進御輅于宣德門內南向設千牛將軍一員位于輅前北向門下

侍郎一員位于左輔之前贊者二人位又于其前少頃

東上閣門御史臺太常寺分引左輔門下侍郎太僕卿

乘黃令詣大慶殿西階下立北向東上乘黃令位其后次引導

駕官在其後分東西相向立以俟奉迎前導次管軍臣

僚次行官使御營巡檢等又在其後禮直官通事舍人

引禮部侍郎奏請中嚴凡左輔門下侍郎禮部侍郎奏請皆禮直官通事舍人引少

頃又奏外辦皇帝服通天冠絳紗袍乘輿以出降自西

階稱警蹕如常儀宣贊舍人贊左輔以下常起居次導

駕官常起居

已起居者止
奏聖躬萬福

次管軍臣僚次行宮使御營

巡檢等常起居

該宣者
即宣名

太僕等出詣玉輅所攝衣而升

正位執轡導駕官前導皇帝出大慶殿門外至玉輅所

千牛將軍前跪執轡左輔進當輿前俛伏跪奏左輔

具官臣某言請皇帝降輿升輅奏訖俛伏興退復位

凡左

輔奏請
准此

乘黃令稍前東向進玉輅皇帝降輿升輅太僕

卿立設綏導駕官分左右步導門下侍郎進當輅前俛

伏跪奏門下侍郎具官臣某言請車駕進發奏訖俛伏

興退復位

凡門下侍郎奏請准此

車駕動稱警蹕左輔先詣宣德

門內以俟門下侍郎及贊者夾侍以出千牛將軍夾輅

而趨車駕將及宣德門至侍臣上馬所門下侍郎奏請

車駕少駐勅侍臣上馬左輔前承旨退稱曰制可門下

侍郎傳勅侍臣上馬諸侍衛之官各督其屬左右翊駕

在黃麾內符寶郎奉八寶前導殿中監后部從導駕官

夾侍于前贊者在左輔門下侍郎之前侍臣上馬畢次

大內留守于宣德門外再拜奉辭門下侍郎奏請車駕

進發車駕動稱警蹕不鳴鼓吹大駕鹵簿前導赴青城
車駕將至青城東上閣門御史臺分引陪祠文武官宗
室客使禮直官贊者引行事執事官俱詣齋殿門下立

班再拜奉迎訖退

內有已起居者
止奏聖躬萬福

車駕及門少駐文武

侍臣皆下馬導駕官步導入門車駕動千牛將軍夾輅
而趨至齋殿前迴輅南向千牛將軍立于輅右左輔奏
請皇帝降輅乘輿尚輦奉御進輿于輅後皇帝降輅乘
輿入齋殿侍衛如常儀導駕官步導至殿門皇帝降輿

歸殿后閣簾降通事舍人承旨勅羣官各還次學士院

以祝冊授通政司進御書訖付尚書禮部如朝獻朝享即並如夏祭

大禮車駕自太

廟詣青城儀

省牲器

省牲之日午後十刻去壇三百步禁行者未后二刻郊

社令帥其屬掃除壇之上下司尊彛帥其屬府史及執

事者以祭器入設于位凡設祭器皆藉以席籩豆又加巾蓋太府卿少府

監入陳玉幣于篚告潔畢未后三刻禮直官贊者分引

權徹

大禮使以下詣東墻門外省牲位立定光祿卿丞與執事者牽牲就位禮直官贊揖贊者引大司樂入行樂架

凡亞獻終獻行事皆禮直官太常博士引大禮使太宰左丞行事皆禮直官引餘官皆贊者引次引禮

部尚書升自卯階凡行事執事官升降皆自卯階視滌濯次引太宰申

眡濯溉執事者舉罍曰潔俱復位禮直官稍前曰告潔

畢請省牲次引禮部尚書侍郎稍前省牲訖退復位次

引光祿卿出班巡牲一匝西向躬曰充曰備次引光祿

丞出班巡牲一匝西向躬曰脯俱復位禮直官稍前曰省

牲畢請就省饌位贊揖訖引大禮使以下各就位立定
禮直官贊揖所司省饌具畢禮直官贊省饌畢揖訖俱
還齋所光祿卿丞及執事者以次牽牲詣厨授太官令
次引禮部尚書詣厨省鼎鑊視濯漑協律郎展視樂器
乃還齋所晡后一刻太官令帥宰人以鸞刀割牲祝史
各取毛血實于盤俱置饌所遂烹牲郊社令帥其屬掃
除壇之上下

奠玉幣

祭日丑前五刻

行事用丑時七刻

諸與祭及陪祠之官各服其

服郊社令與太史官屬入設神位版太府卿少府監入

陳玉幣光祿卿入實籩豆簋簋太官令入實俎良醞令

入實尊樂正帥工人二舞以次入與執尊壘篚霽者各

就位次通事舍人等分引陪祠文武官及宗室客使各

入就位次禮直官贊者分引大禮使以下行事執事

官就卯階內壝門外揖位立定禮直官贊揖次監察御

史次引大禮使以下入就位次引監察御史按視壇之

上下糾察不如儀者退復位尚輦奉御進輿于齋殿皇
 帝服通天冠絳紗袍乘輿以出近侍及扈從之官導從
 至大次門外皇帝降輿入次簾降禮儀使樞密院官太
 常卿東上閣門官太常博士禮直官分立于大次外之
 左右次引禮部侍郎詣前奏請中嚴少頃又奏外辦符
 寶郎奉寶陳于宮架之北禮儀使當次前俛伏跪奏禮
 儀使臣某言請皇帝行事奏訖俛伏興還侍位
 禮儀使奏請禮

畢准此

簾卷皇帝服裘被衮以出侍衛如常儀禮儀使以

下前導至中壝門外殿中監跪進大圭殿中少監副之

凡殿中監進圭受禮儀使奏請執大圭前導皇帝入自

正門待衛不應入協律郎跪俛伏舉麾興凡行禮執事者取物奠物

皆跪俛工鼓祝宮架儀安之樂作皇帝升降行止至午

階版位西向立偃麾戛敔樂止凡行禮皆禮儀使樞密院官太常卿東上閣門

官太常博士禮直官前禮儀使前奏有司謹具請行事

宮架作寧安之樂廣生儲祐之舞八成止光祿瘞血禮

儀使奏再拜皇帝再拜贊者曰再拜在位官皆再拜內

侍取玉幣於篚立于尊所次引太宰吏部尚書侍郎升
 詣神州地祇神位前立太宰吏部尚書俱西向北上侍
 郎東向禮儀使以下前導皇帝詣盥洗位宮架樂作至
 洗位北向立樂止內侍酌水以進禮儀使奏請搢大
 圭盥手內侍跪取巾于篚興以進皇帝帨手內侍受巾
 跪奠于篚禮儀使奏請執大圭前導皇帝升壇大禮使
 從皇帝升降大禮使皆從左右侍衛量人數升宮架樂作至壇下樂止升自
 午階登歌樂作至壇上樂止登歌禧安之樂作殿中監

跪進鎮圭禮儀使奏請搢大圭執鎮圭前導至神州地
祇神位前北向立內侍前設纁藉於地禮儀使奏請奠
鎮圭于纁藉執大圭俛伏興又奏請搢大圭跪內侍加
玉于幣以授吏部尚書吏部尚書以授太宰太宰西向
跪以進禮儀使奏請授玉幣皇帝受奠訖吏部侍郎東
向跪受以興進奠于神州地祇神位前太宰吏部尚書
侍郎俱詣太宗皇帝神位前以俟禮儀使奏請執大圭
俛伏興內侍取鎮圭纁藉詣太宗皇帝神位前先設纁

藉於地禮儀使奏請再拜皇帝再拜訖樂止禮儀使前

導皇帝詣太宗皇帝神位前東向奠幣並如上儀

惟登歌作

化安之樂

太宰以下俱復位禮儀使前導皇帝還版位登歌

樂作內侍舉鎮圭繅藉以鎮圭授殿中監以還有司皇

帝降階樂止宮架樂作至版位西向立樂止祝史奉毛

血盤立于壇門外由其階升太祝迎于壇上俱進奠于

神位前祝史太祝退立于奠所

政和五禮新儀卷八十六

欽定四庫全書

政和五禮新儀卷八十七

吉禮

皇帝祭神州地祇儀下

進熟

祭日有司陳鼎二于神厨各在鑊右太官令帥進饌者

詣厨以匕升牛于鑊實于二鼎

肩臂臑肫脰正脊一直脊一橫脊一長骨一短

骨一代脅一皆二骨皆設局冪祝史對舉陳于饌幔內

以並正配位各一鼎

重行西向以南為上光祿實籩豆簋蓋于饌幔內

籩實以粉

簠豆食以糝食簋實以梁簋實以稷

次引禮部侍郎詣饌所視腥熟之節

俟皇帝升奠玉幣訖還位樂止引禮部尚書詣饌所執

籩豆簋簠以入戶部尚書詣饌所奉俎以入太官令引

入門宮架豐安之樂作設于卯階下北向西上奉牲者

在南祝史抽扃委于鼎右除罍初鼎序入有司執匕及

俎以從至卯階下各設于鼎西匕加于鼎太官令以匕

升牛載于一俎

肩臂肝在上端肫膈在下端脊脅在中正配位各一俎

鼎先退次

祝史進徹毛血盤以次出次引禮部尚書搢笏執籩豆
簋簋戶部尚書搢笏奉俎以升執事者各迎于壇上禮
部尚書奉籩豆簋簋詣神州地祇神位前北向跪奠啟
蓋于下執笏俛伏興有司設籩于糗餌前豆于醢醢前
簋于稻前簋于黍前次引戶部尚書奉俎詣神州地祇
神位前北向跪奠訖執笏俛伏興有司設于豆前次詣
太宗皇帝神位前東向跪奠並如上儀樂止俱降復位
太祝取菹擩于醢祭于豆間三又取黍稷肺祭如初皆

藉以茅各還尊所次引太宰左丞詣神州地祇神位前
西向立以北為上次引吏部侍郎詣爵洗位東向立禮
儀使前導皇帝詣盥洗位宮架樂作至洗位西向立樂
止內侍酌水以進禮儀使奏請搢大圭盥手內侍跪取
巾于篚興以進皇帝帨手內侍受巾跪奠于篚禮儀使
奏請執大圭前導皇帝詣爵洗位宮架樂作至洗位北
向立樂止吏部侍郎跪取爵于篚興以進禮儀使奏請
搢大圭受爵內侍酌水以進禮儀使奏請洗爵內侍跪

取巾于篚興以進皇帝拭爵內侍受巾跪奠于篚吏部
侍郎受爵升自午階禮儀使奏請執大圭前導皇帝升
壇宮架樂作至午階樂止升自午階登歌樂作至壇上
樂止登歌充安之樂作吏部侍郎奉爵詣正位酌尊所
西向立酌尊者舉罍良醞令酌太尊之泛齊訖先詣配
位酌尊所北向立禮儀使前導皇帝詣神州地祇神位
前北向立禮儀使奏請搢大圭跪吏部侍郎以爵授左
丞左丞授太宰太宰西向跪以進禮儀使奏請執爵祭

酒三祭于茅苴奠爵執大圭俛伏興又奏請皇帝少立樂止

太宰左丞俱詣太宗皇帝神位前北向立以俟舉冊官

舉祝冊進于神州地祇神位之右讀冊官搢笏東向跪

讀冊文讀訖執笏興先詣太宗皇帝神位前南向立禮

儀使奏請再拜皇帝再拜有司奠冊于神州地祇神位

前禮儀使前導皇帝詣太宗皇帝神位前酌獻並如上

儀惟登歌作韶安之樂太宰以下俱復位禮儀使前導皇帝還版

位登歌樂作降階樂止宮架樂作至版位西向立樂止

禮儀使奏請還小次宮架樂作將至小次禮儀使奏請
釋大主殿中監跪受大主皇帝入小次簾降樂止文舞
退武舞進宮架儀安之樂作舞者立定樂止初皇帝將
詣小次禮直官太常博士引亞獻詣盥洗位北向立搯
笏盥手帨手執笏詣爵洗位北向立搯笏洗爵拭爵以
授執事者執笏升詣正位酌尊所西向立宮架作隆安
之樂厚載凝福之舞執事者以爵授亞獻亞獻搯笏執
爵執尊者舉罍大官令酌山尊之醴齊訖先詣配位酌

尊所北向立亞獻以爵授執事者執笏詣神州地祇神位前北向搢笏跪執事者以爵授亞獻亞獻執爵祭酒

三祭于茅苴

奠爵執笏俛伏興少退北向再拜次詣太宗皇

帝神位前酌獻並如上儀樂止降復位初亞獻行禮將畢次禮直官太常博士引終獻詣洗及升壇酌獻並如亞獻之儀降復位初皇帝既奠玉幣光祿以左臂一骨及長脅短脅俱二骨以並載于胙俎設于飲福位之西俟終獻既升獻贊者引戶部尚書搏黍太祝太官令詣

飲福位東向立奉俎豆爵酒者各位其後禮儀使奏請
執大圭前導皇帝詣飲福位將至位樂止宮架禧安之
樂作皇帝至飲福位北向立尚醞典御執事升詣酌尊
所良醞令酌上尊福飲合置一尊典御奉尊降至飲福
位以授殿中少監尚醞奉御執爵殿中少監酌之奉御
以爵酒授殿中監西向捧以立禮儀使奏請再拜皇帝
再拜殿中監跪以爵酒進禮儀使奏請搢大圭跪受爵
祭酒三祭
于地啐酒奠爵殿中監跪受爵以興諸太祝帥執

事者持胙俎進減神位前正脊二骨橫脊二骨加于俎上內侍受俎以授戶部尚書戶部尚書西向跪以進皇帝受俎奠之戶部尚書受俎以興復位太官令取黍於簋搏以授太祝太祝受以豆東向跪以進皇帝授訖奠之太祝受豆以興復位次殿中監再跪以爵酒進禮儀使奏請受爵飲福酒奠爵殿中監受虛爵以興以授典御奉御北向立執事者俱復位禮儀使奏請執大圭俛伏興又奏請再拜皇帝再拜樂止禮儀使前導皇帝還版位宮架樂作至版位西向立

樂止次引禮部尚書升壇徹籩豆戶部尚書升壇徹俎

籩豆俎各一俱少移故處

登歌成安之樂作卒徹樂止禮部戶部尚

書降復位禮直官曰賜胙行事陪祠官拜贊者承傳曰
賜胙再拜在位官皆再拜送神宮架寧安之樂作一成
止

望瘞

寧安之樂畢禮儀使奏請詣望瘞位前導皇帝詣望瘞
位宮架樂作至位北向立樂止初賜胙再拜訖郊社令

以黍稷肺祭藉以白茅束之吏部侍郎帥太祝執篚進
詣神位前取玉幣祝冊藉以茅以俎載牲體黍稷飴爵
酒各由其階降壇東行詣瘞以玉幣祝冊饌物置於坎
禮直官曰可瘞舉燿火寘土平坎禮儀使奏禮畢前導
皇帝還大次宮架樂作至中壝門外禮儀使奏請釋大圭
殿中監跪受大圭以還有司侍衛如常儀皇帝至大次
樂止禮部郎中奏解嚴引大禮使以下詣卯階東內壝
門外揖位立禮直官贊禮畢揖訖退通事舍人引陪祠

文武官及宗室客使以次出將士不得輒離部位

行宮齋殿

受賀並如夏祭大禮明禋殿受賀儀

車駕還內

前期殿中監率其屬尚舍設御幄於大慶殿門之東南向大晟設宮架於宣德門外稍南其日禮畢所司轉仗衛鹵簿於還塗如來儀文武百官宗室客使先詣宣德門外就次以俟立班奉迎乘黃令進金輅於行宮殿門外南向千牛將軍一員執長刀立於輅右尚輦奉御進輿於齋

殿導駕官俱詣齋殿門外奉迎禮部侍郎奏請中嚴少

頃又奏外辦簾捲皇帝服通天冠絳紗袍乘輿以出應

導駕官等並迎駕奏聖躬萬福訖內祇應官贊太僕卿

出詣金輅所攝衣而升正立執轡皇帝乘輿降自西階

至金輅所左輔奏請降輿升輅太僕卿立授綬千牛將

軍御駕如來儀門下侍郎奏請車駕進發有司并具大輦若乘輦即

云降輿車駕動稱警蹕侍衛如儀至侍臣上馬所門下

侍郎奏請車駕少駐勅侍臣上馬左輔前承旨退稱曰

制可門下侍郎傳制稱侍臣上馬贊者承傳勅侍臣上
馬門下侍郎奏請車駕進發車駕動稱警蹕鼓吹及諸
軍樂振作車駕將至宣德門外文武百官宗室客使並
立班再拜奉迎退次大內畱守見再拜訖退車駕至宣
德門外少駐文武侍臣皆下馬步導千牛將軍降立于
輅右車駕動千牛將軍夾輅而趨大樂正奏采茨之樂
入門樂止車駕至幄前左輔奏請降輅乘輿

若乘輦即
奏云降輦

皇帝降輅乘輿以入禮部郎中奏解嚴通事舍人承旨

勅羣官各還次將士各還其所

若大赦並如夏祭大禮宣德門肆赦之儀

大內樂五車黃五經曾武鐘奏說新鐘樂興

禮成車駕還中書執事更歸而武大樂

執事復更歸武大樂執事皆不無等事

至如再執事更更方次出高其再拜持

重樂雜科更更歸王曾兩後文知官官

所門下於清更歸重樂並祭車以由

政和五禮新儀卷八十七

欽定四庫全書

禮卷八十八

政和五禮新儀卷八十八

吉禮

祭神州地祇儀

有司闕
行事

初序官各選次將士各選其所
禮部大司馬
禮部大司馬
禮部大司馬

祭林池此祭
計禮
東國

吉野

嘉味五野
嘉味五野
嘉味五野

政和五禮新儀卷八十八

欽定四庫全書

政和五禮新儀卷八十九

吉禮

皇帝祭太社太稷儀上

闕

皇帝祭太極太尉封土

吉野

文咏立野陽射卷八十九

政和五禮新儀卷八十九


欽定四庫全書

政和五禮新儀卷九十

吉禮

皇帝祭太社太稷儀中闕





皇帝祭太極太野齋中

吉野

皇帝祭太極太野齋中

政和五禮新儀卷九十